


AR STOTER



WAR DON : *Ar Pillaouer*

Chilaouet tudou dastumet
 En dro d'an hini a gan, (hadlavarout)
 Pez a zo n'euz pel arruet
 Gant eun oac'h a Blouvouskan.

DISKAN :

Foei, foei, foei, foei d'ar gwin-ardan
 Pa zo jistr mad en hon Brô.

Na larin ket d'ac'h hé hano
 Rak méz a rafent d'hé dud
 Mez kén alies vé méo
 Kén a denio d'ac'h hé vrud.

Mar karet vo hanvet Jakez,
 Mez kouls vé eun hano all :
 Zioaz ! meur 'hini er barez
 Evel-t-han a vé meo dall.

N'euz ket pell ta en ty Jakez
 E oet o komeria.
 Béa oa friko ha krampoez
 Ha gwin-ardan da lonka.

Tom mad e oa da bép hini
 ' Benn e zavaz diouz tol,
 Mez da Jakez, c'houi c'hall krédi,
 E oa tommoc'h 'vit d'an holl.

Ma feiz ! laret 'zo kénavo,
Kaset eo an dud d'an hent
Mez Jakez ra buhan distro
Ha d'an ty a red kerkent.

Lampat 'ra war ar boutaillou
E zo éno 'n eur bagad :
Gouk eur voutail en hé c'hénou,
Lonka a ra ter c'hougad.

Mez ken buhan o danfoeltaz
Ar voutail en kreiz an ty
Hag ar paour kéz dén a griaz :
— Pétrol eo e oa en-hi.

Rédek a raez da dislonka,
Rédek a raez d'an oaled,
Mez raktal e krédas mouga
Tonez kurunou ha luc'het.

Eul luc'heden hir a dapaz
Barwen ar paour kez Jakez :
Bréma eo hé c'hénou ken noaz
'Vel hini hé benn-hérez.

Eur en euz hét Jakez mewiad
Pa n'eo hét paket en ber
Pa n'eo ket hét eet ar flammad
A dreuz hé c'henou d'he rer.

ERWAN BERTHOU.

Landréger, e ty A. OURGANT, mouler